



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicoꝝ Per Germaniam, Belgivm, Galliam, Hispaniam, Italiam, Aliasqve Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt XCV. Sancti Hadelini Collegivm Vistense dioecesis Leodiensis ad
Mosam Fluuivm.

urn:nbn:de:hbz:466:1-11227

bestijs terræ deuoranda; quæ postea à quibusdam iuxta habitantibus in specu sunt condita. Post multa verò annorum curricula, ob stupendam signorum exhibitionē, clerus & populus eorum corpora quæsiuerunt, eaque in duobus sarcophagis niue candidioribus repererunt. Quod opus Angelorum, vt Sancto-
rū castitas significaretur, esse it cognouerunt; cum non essent in regione illa nisi petrae fuligine nigrantes. Sic ferè Molanus in natalibus Sanctorum Belgij.

Est autem Beca populosum Campiniæ municipium, secundo lapide ab Herentalia Brabantia opido situm: in quo loco hodieque sacrum Beatæ Dimpnæ corpus adseruatur à Canonicorum collegio. De ea vide Martyrologium Romanum.

CAPVT XCV.

SANCTI HADELINI COLLEGIVM

Visetense diœcesis Leodiensis ad Mosam

Fluuium.

SHAdelinus confessor, Aquitaniæ territorio ortus, in tenera ætate semper confortio senū interesse cupiebat. Inde relinquēs terram & cognationem suam, venit *Stabuletū* vbi magisterio vsus est S. Remacli Epif. Tūgrensis. Adeoq; fuit sanctitate & miraculorū gloria celebris, vt Eccl. Cellensis fratribus in valle ad Letiā fl. habitantib. multa prædia sint

M 2 collata,

collata, multiq̄ue reditus. Verùm anno 1137.
 Canonici verò S. Hadelini, quia à Domino
 Cellensi multum opprimebantur, & in Eccle-
 siæ libertate defraudabantur, clam cum fe-
 retro & sacro corpore Leodium aufugerunt.
 Quare Adulphus Marca Leodiensis Episco-
 pus habito consilio, corpus sanctum cum Ca-
 nonicis misit Visetum, quod tunc temporis
 ab Episcopo vallabatur nouis muris & turri-
 bus. Est autem ad ripam Mosæ inter Leodiũ,
 & Traiectum. Habetq̄ue collegium Viseten-
 se sæcularem Abbatem, Canonicum Leodiẽ-
 sem, cū ex prima fundatione verisimiliũs pu-
 tent sese Benedictinos fuisse, cū Cellæ resi-
 derent ad Letiam, sesquimilliarĩ à Dionanto,
 versus Arduennam. Videtur enim locus ille,
 à humili monasterio, Cellæ nomen accepisse.

vide infra
cap. 122.

Ceterũ Cellenses, apud quos in S. Hade-
 lini Ecclesia Præpositura remansit, pingunt
 eum vt eremitam, quia eremiticam vitam a-
 pud ipsos egit eo videlicet in loco, vbi in hũc
 vsque diem locus sepulturæ eius cernitur, su-
 perexstructa ædicula, quam in memoriam
 eremiticæ eius vitæ anachoreta inhabitat.

Exstat de hoc viro, adhuc in Cella quies-
 cente illustre Nodgeri Leodiẽsis Episcopi te-
 stimoniũ. Scribit enim Remaclũ ipsi futura
 conuersationis & quietis locum, fontẽque hu-
 manis vsibus opportunum indicasse. *Quæ res,*
subdit, hodie omnibus minimè obscura est, quando

1160

in eodem loco corpore quiescit, & spiritu presens, innumera illic quotidie credentibus beneficia prestare non cessat.

CAPVT XCVI.

COLLEGIUM CANONICORVM

Aula Comitis apud Valentianas.

BAlduinus III. cognomēto Magnanimus Hannoniæ ac Valētiarum Comes in ipsa Vrbe Valentiana Palatium insigne exædificauit, quod Aulæ Comitis nomen etiamnum retinet. Quo in Palatio Collegium Canoniorum anno circiter millesimo cētesimo nonagesimo secundo collocauit diplomate ea de re dato. Ita Iacobus Guisus in Hannoniæ Chronicis libro tertio capite quingentesimo vndecimo.

CAPVT XCVII.

MONTIS-BRISONIS CANONICORVM

collegium in diœcesi Lugdunensi, in Gallia.

Mons Brisonus est Vrbs primaria Prouinciæ Forensis in regno Galliæ: in qua vrbe *Guigo*, siue *Guido* IV. Comes Forensis & Niuernensis insigne Canoniorum Collegium anno millesimo ducentesimo vigesimo tertio fundauit, ac dotauit. Raynaudo Lugdunensi Archiepiscopo approbante.

Diploma foundationis sic habet: *Guigo Co-*

M 3

mes